



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ
ԵՎ ՍՊՈՐՏԻ ՆԱԽԱՐԱՐ
ՀՐԱՄԱՆ

N 2044-Ա/2

08.11.2022 թ.

**ԷԴԳԱՐ ԷԼԲԱԿՅԱՆԻ 40-ԱՄՅԱԿԻՆ ՆՎԻՐՎԱԾ «ԳԾԻԳ ԱՅՆ ԿՈՂՄ»
ՔԵՄԱԴՐՈՒԹՅԱՆ ԻՐԱԿԱՆԱԳՄԱՆ ԾՐԱԳԻՐԸ ՀԱՍՏԱՏԵԼՈՒ ԵՎ ԳՈՒՄԱՐ
ՀԱՏԿԱՑՆԵԼՈՒ ՄԱՍԻՆ**

Ղեկավարվելով «Հայաստանի Հանրապետության 2022 թվականի պետական բյուջեի մասին» օրենքով և Հայաստանի Հանրապետության վարչապետի 2019 թվականի հունիսի 1-ի N 661-Լ որոշման հավելվածի 19-րդ կետի 20-րդ ենթակետով՝ Էդգար Էլբակյանի (կրտսեր) 40-ամյակին նվիրված «Գծիգ այն կողմ» բեմադրության իրականացման նպատակով՝

Հ Ր Ա Մ Ա Յ ՈՒ Մ Ե Մ

1. Հաստատել Էդգար Էլբակյանի (կրտսեր) 40-ամյակին նվիրված «Գծիգ այն կողմ» բեմադրության իրականացման ծրագիրը՝ համաձայն հավելվածի:

2. «Հայաստանի Հանրապետության 2022 թվականի պետական բյուջեի մասին» օրենքի N 1 հավելվածի N 2 աղյուսակի «1168 Արվեստների ծրագրի» «11005 Մշակութային միջոցառումների իրականացում» միջոցառման համար Հայաստանի Հանրապետության կրթության, գիտության, մշակույթի և սպորտի նախարարությանը (այսուհետ՝ նախարարություն) նախատեսված գումարներից (տող՝ «Աջակցություն այլ մշակութային միջոցառումների և ծրագրերի իրականացմանը») հատկացնել 2000.0 հազար (երկու միլիոն) դրամ՝ Էդգար Էլբակյանի (կրտսեր) 40-ամյակին նվիրված «Գծիգ այն կողմ» բեմադրության իրականացման ծախսերն ապահովելու համար:

3. Նախարարության ֆինանսաբյուջետային վարչության պետին՝ սույն հրամանն ուժի մեջ մտնելուց հետո 15-օրյա ժամկետում նախապատրաստել և նախարարության գլխավոր քարտուղարի ստորագրմանը ներկայացնել սույն հրամանի 2-րդ կետում

նշված գումարը «Երևանի խամաճիկների պետական թատրոն» պետական ոչ առևտրային կազմակերպությանը հատկացնելու մասին պայմանագիր (այսուհետ՝ պայմանագիր):

4. Նախարարության ժամանակակից արվեստի վարչության պետին՝ Հայաստանի Հանրապետության կրթության, գիտության, մշակույթի և սպորտի նախարարի 2020 թվականի մարտի 16-ի թիվ 343-Ա/2 հրամանին և կնքվող պայմանագրին համապատասխան իրականացնել պայմանագրով նախատեսված աշխատանքների կատարման նկատմամբ հսկողություն, բովանդակային հաշվետվությունների ընդունման գործառույթներ:

5. Սույն հրամանի կատարման հսկողությունը վերապահել Հայաստանի Հանրապետության կրթության, գիտության, մշակույթի և սպորտի նախարարի տեղակալ Ա. Խզմալյանին:

ՎԱՀՐԱՄ ԴՈՒՄԱՆՅԱՆ

X

Հավելված

ՀՀ կրթության, գիտության,
մշակույթի և սպորտի նախարարի
« » « » 2022 թ.
N հրամանի

ԾՐԱԳԻՐ

Էդգար Էլբակյանի (կրտսեր) 40-ամյակին նվիրված «Գծից այն կողմ»
բեմադրություն

1	Կազմակերպության անվանում	«Երևանի խամաճիկների պետական թատրոն» ՊՈԱԿ
2	Կազմակերպության գտնվելու վայր	ՀՀ Երևան 0009, Մ. Մաշտոցի պող. 43
3	Ծրագրի անվանում	Էդգար Էլբակյանի (կրտսեր) 40-ամյակին նվիրված «Գծից այն կողմ» բեմադրության իրականացում
3.1	Բովանդակություն	Թատրոնը իրականացնում է Էդգար Էլբակյան (կրտսերի) «Գծից այն կողմ» գրքի հիման վրա ստեղծված բեմականացումը, որը ներկայացնում է ժամանակակից երիտասարդության որոնումները՝ հասկանալու, թե, ո՞րն է ապրելու նպատակը, ինչպես ազատագրվել իրենց շուրջ տիրող քաոսից, փորձել հասկանալ մերձավորին և այնպես անել, որ ինքն էլ հասկանա իրենց և միասին ելնեն հավիտենական թշնամիներ՝ ստի, կեղծիքի, դավաճանության և ընչաքաղցության դեմ:
3.2	Նպատակ	Թատրոնը այս ներկայացումը նվիրում է Էդգար Էլբակյան (կրտսերի) ծննդյան 40-ամյակին: Ներկայացման նպատակն է թարմացնել թատրոնի խաղացանկը, ինչպես նաև խթանել երիտասարդ դերասանների ստեղծագործական կազմի թարմացմանը:
3.3	Անցկացման ժամկետ	Նոյեմբեր - Դեկտեմբեր
3.4	Անցկացման վայր	Երևանի խամաճիկների պետական թատրոն
3.5	Ակնկալվող արդյունքներ	Ստեղծագործությունը, իր ասելիքով, մոտեցմամբ ու ակնկալվող արդյունքով միտված է ժամանակակից երիտասարդությանը: Այն խթան կհանդիսանա հանդիսատեսի հետաքրքրության մեծացմանը դեպի խամաճիկների թատրոն:
3.6	Ոչ ֆինանսական ցուցանիշներ	Առաջնախաղ, 70 հանդիսատես: Ներառում հիմնական խաղացանկում:

